

Ҳаё пардасини йиртманг!



12:30 / 26.03.2019 4803

Бугунги мавжуд телевидение, ундаги маҳаллий ва хориж кўрсатувлари, турли киною сериаллар, параболик антенналар масаласида мусулмонлар ўртасида узундан-узоқ баҳс-мунозаралар бўлган. Бундай ҳолат сўнгги интернет хизматлари йўлга қўйилган техника асрида, глобаллашув даврида яна такрор юзага келди. Шу жумладан, аёлларнинг интернетдан фойдаланиши масаласида ҳам тортушувлар авж олди, бу ҳолат ҳали ҳануз давом этмоқда. Рости, анча аввал бу масала кўтарилганида, бир оз ранжиган ҳам эдим. «Нима учун аёл инсон сифатида бошқалар фойдаланган нарсалардан фойдаланмаслиги керак», деган савол мени қийнаган эди. Мана энди, айни шу кунларда мазкур тортишувларнинг сабабини англагандек бўляяпман. Баъзи аёлларимизнинг интернет тармоғидаги беҳаёликлари ўзини, ўзлигини билган ҳар қандай кишини ҳайратга солмоқда.

Биз muslimaat.uz сайтимиз ходималари билан маслаҳатлашиб, шу йилнинг февраль ойини интернетга боғлиқ ишларнинг ислоҳоти учун хослаган эдик. Мутахассислар билан бир неча суҳбатлар уюштиридик. Абу Молик Али Муҳаммад Шавқийнинг қаламига мансуб «Фейсбуқ ҳукмлари ва одоблари» номли асарни таржима қилиб, ҳар ҳафта сайтимиз саҳифаларида, каналларимизда фойдаланувчилар эътиборига ҳавола қилиб боряпмиз.

Мана шу ишларга қўшимча тарзда баъзи хонимларга танбех бериш истаги ҳам мени анчадан буён ўйлантириб келаётган эди.

Аслида бундай икир-чикир бўлиб қўринган нарсаларни ёритишни у қадар хуш кўрмайман. Аммо динимизга, аёллар ва уларнинг шаънига зид бўлган ҳолатларни ёритиб, уларга маълум маънода насиҳат қилишни, кези келганда танбех бериб, тўғри йўл кўрсатишни бурчим, деб биламан.

Баъзида *facebook* ижтимоий тармоғини кузатиб тураман. Гарчи ҳозирда мазкур тармоқда аввалгидек фаолият юритмаётган бўлсам-да, манфаатли хабарлардан, дунё янгиликларидан воқиф бўлишда фойдаланаман. Шунингдек, у орқали инсонларнинг ҳолатини ҳам кузатиб бораман. Мазкур ижтимоий тармоқда аёллар учун очилган гуруҳлар бор. Охирги пайтларда бундай гуруҳларда бемаъни постлар ёмғирдан кейинги қўзиқориндек болалаб кетди. Эҳтимол, у ердаги хонимлар бизни аёллардан бошқалар ҳеч ким кузатмайди деб, bemalol бўлиб қолишгандир. Лекин пост қўйган, «лайк» босган ва изоҳ қолдирган аёлларнинг дўстлари ичидаги эркаклар бу ҳолатларни bemalol кузата олишади. Баъзи хонимларга бу борада танбех берган ҳам бўлдим. Улар: «Гуруҳда фақат аёллар кўришади, деб ўйлабмиз», деган узрни айтишди. Яна ҳам ачинарлиси, шундай бемаъни нарсаларни ҳавола қиласиганлар ичida профилига мўминалликка далолат қиласиган суратларни қўйганлар ҳам, исмлари мусулмонлигига далолат қиласиганлари ҳам бор. Хўп, бундай нарсаларни эркаклар кўрмайди ҳам дейлик. Лекин аёллар орасида бу каби фаҳш ва ахлоқ-одобга зид нарсаларни тарқатиш жоизми? Аллоҳ таоло Нур сурасининг 19-оятида шундай марҳамат қиласи:

«Албатта, иймон келтирганлар ичida фаҳш тарқалишини яхши кўрадиганларга бу дунёю охиратда аламли азоб бордир. Аллоҳ биладир, сиз эса билмассиз».

Ижтимоий тармоқлар инсонларга кўплаб соҳаларда кенг имкониятлар беришини инкор этмаймиз. Лекин у ҳам қайсиdir маънода бир жамиятни ташкил қилиши барчамизга маълум. У ердаги хонимлар воқеликда, кундалик ҳаётларида ҳам ўзларини шундай эркин тутармикинлар? Кўчак-кўйда, уйда, ишхонасида одамларнинг кўз ўнгидаги шундай шармсиз гапларни сўзлай олармикинлар? Ўзларини очиб-сошиб, атрофдагиларга намойиш қила олармикинлар?

Бу гапларимни ўқиган кишиларда «Шунчалик нималар қилишаётган экан, ўша аёллар?» деган савол туғилиши табиий. Шу ўринда баъзи мисолларни

келтириб ўтсам:

Туғруқ жараёнига оид гап-сўзлар, суратлар, ҳатточи видеотасвиirlарни ҳам қўйишади. Тафсилотлари билан ёзишади. Камига бу мавзуни обдон чайнаб, баҳс қилишади. Аёл киши авра-астарини, яширин ҳис-туйғуларини, сиру асрорларини очгани сайин қадрсиз бўлиб боришини бу опасингилларимиз билишармикин?

Бир хоним қабзиятдан азоб чекар экан, ўша жараённи батафсил ёзиб, даво истагида маслаҳат сўрабди. Аввало, ушбу муаммони бу тарзда ўртага олиб чиқиши шарт эмас. Бу дарднинг давосини ҳар жойдан топиш осон. Қолаверса, маслаҳатга эҳтиёж бўлган тақдирда ҳам, бошидан кечирган бутун жараённи элга дастурхон қилиши шарт эмас. Бу иш беҳаёлик, аҳмоқона журъатдан ўзга нарса эмас.

Энг аянчли ҳолатлардан яна бири – эр-хотин ўртасидаги нозик сирларни ёйиш. Ишонаверинг, жуфтлар орасида бўладиган ва бўлиб ўтган ҳолатларни батафсил ёзиб, бунинг устига суратлари билан таъкидлаш ҳолатлари тобора кўпайиб бормоқда. Бу ҳам ахлоқсизлик, андишасизликдан далолатdir.

Абу Саъид розияллоҳу анҳудан ривоят қилинади:

«Набий соллаллоҳу алайҳи васаллам:

«Қиёмат куни Аллоҳнинг наздида мартабаси энг ёмон одам аёлига яқинлик қилиб, аёли унга яқин бўлганидан кейин сирини одамларга ёйиб юрадиган кишидир», дедилар».

Муслим ва Аҳмад ривоят қилганлар.

Бундай ҳолатлар жамиятда фасод тарқалишига олиб келади, холос. Кимгадир мазкур гаплар арзимасдек туюлиши мумкин. Ўзим ҳам бу масалада сўз очишни ёқтиромайман, аслида. Аммо бу ҳар қандай мўмин-мусулмонни даҳшатга соладиган, қалбида ғазаб оловини ёқадиган ҳолатdir. Шундай нарсаларни очиқ-ойдин намойиш этишга журъат қилишгача етиб келдикми, демак ҳолимизгавой!

Динимизда бундай ахлоқсизликлардан қайтарилиган. Ўзбекчилигимиз, маданият-у, урф-одатларимиз ҳаргиз бундай нарсаларни оқламайди. Аёл киши одоб, ахлоқ, назокату латофатдан маҳрум бўлибдими, унда ҳеч қандай хайр бўлмайди. Аллоҳ таоло аёлни ибодатидан тортиб,

муомаласигача, ҳар бир хатти-ҳаракатида, ҳар бир ишида сатрли, ҳаёли-иболи, иффатли бўлишга буюрган. Аёл мана шундай неъматлардан, Аллоҳ таоло унинг фитратига қўшиб берган фазилатлардан ўзини ўзи маҳрум қилибдими, у хорликдан бошқа нарсага эришмайди!

Муҳтарама опа-сингиллар! Сиздан илтимосим, юқорида айтилган номаъқулчиликларга қарши курашайлик. Бепарво бўлмайлик. Ҳаммамиз имконимиз қадар мазкур ислоҳотга ўз ҳиссамизни қўшайлик. Бундай андишасизликлар ўзимизнинг фарзандларимиз, қизларимизнинг келажагига салбий таъсир кўрсатишини унутмайлик.

Зоро, Абу Саъид Худрий розияллоҳу анхудан ривоят қилинган ҳадиси шарифда Набий соллаллоҳу алайҳи васаллам: «**Сиздан ким бир мункар ишни кўрса, қўли билан қайтарсин, агар қодир бўлмаса, тили билан қайтарсин, агар қодир бўлмаса, дили билан қайтарсин. Ана ўша энг заиф иймондир**», деганлар (бешовларидан фақат Бухорий ривоят қилмаган).

Аллоҳ таоло аёл-қизларимизни аёлликка хос фазилатлардан бебаҳра қилмасин! Омин!